

新刻羣音類選

新刻羣音類選卷八

虎林

胡氏

文會堂

校選

四德記

友餞馮商

柳搖金鶯花千里鷗波滿溪隨處可畱題
夜宿舟中飯晨征馬上鷄想多少離愁別恨
想多少離愁別恨都在送行時要祛愁掃恨
頻呼酒卮合雙雙燕語兩兩鶯啼燕語鶯啼
混入離歌聲裏前腔瀟瀟行李迢迢路岐
翹首望京畿殿角紅雲透京城綠樹迷且
痛飲瓊漿百盞且痛飲瓊漿百盞何苦惜分
離這悲歡

聚散元無定期合前前腔雲蒸花氣風牽柳絲春色
鬪芳菲正好同遊賞那堪遠別離他日到皇都旅邸
他日到皇都旅邸兩地費相思問何時返期茫然無
知合前前腔筵間羅綺吹竹奏絲惜別酒遲遲忽見
青山暝俄看白日低說不盡衷腸心事說不盡衷腸
心事僕子又相摧且停盃拜別難禁淚垂合前

納妾成婚

桂枝香香匆匆開宴重將燭剪安排合盃春盃燈下交
相酌勸看他悶思鬱然悶思鬱然莫不是聘財輕鮮
禮儀疎簡且從權莫道我的山妻妬我的山妻且是

賢前腔財非輕鮮禮非踈簡只因有事關心悶思實
難排遣且莫怨天且莫怨天怨天天遠况你的事難
宛轉這姻緣須知悶死人兒也只怕難期到百年前
腔言之慚報只恐怕逆流難挽痛雙親衰老無兒我去
了何人為伴從今別去從今別去山遙水遠抱負終
天之怨好心酸若要重相見除是三更夢裡還前腔
與你紅絲新綰期為姻眷緣何不念新婚瑣瑣雙眉
不展有事儘言有事儘言我與伊分辯不須愁怨這
姻緣想他就裡無非屈其間必有冤前腔嚴親遊宦
時乖多難只因綱運他方欠拆官糧一半賣奴抵償

賣奴抵償非吾之願，教我如何不怨？有誰憐兒去親，無倚心情兩處懸。前腔聽得哀聲悽慘，使我勃然色變。你雙親衰弱老年，何忍把你天倫離間？不須淚漣，不須淚漣，將你送歸庭院，你也不須畱戀，請回旋交。你骨肉重完，聚別選姻緣，配百年憶鶯兒。君最賢，憐妾艱，遣我還家不索錢。仁義於君得兩全，德深似淵。度量似天陰，功家大行方便，望青天。前程遠大，瓜瓞永綿綿。前腔休怨言，免淚漣。本求父子得兩全，忍教你父子分兩邊。去珠復還，缺月再圓。伊家父子重相見，請歸旋於今如願。別擇個好良緣。前腔聘財錢輕。

棄捐濟人急難勝結緣陰德從來感動天你的位登
壽山廣種福田何愁眼下無姻眷似君賢麟兒早晚
不久慶澤永留傳

牡丹嘉賞

惜奴嬌縞素花王逞清真國色冷淡天香寒叢裏偏
惹蝶蜂飛裏春光點綴奇葩綠葉交輝碧枝相倚端
詳宛然似玉天仙身跨彩鸞飛降前腔非常月貌冰膚
甚清于魏紫雅似姚黃風簾外只見玉毬飄蕩不讓
興慶宮東沉香亭北紅塵十丈還像楊太真洗粧時
倦睡牙床上關寶蟾誰將種近華堂傷明珠簾箔爛

銀屏帳把塵埃攔拂，玉泉滋養階上一番風雨過。西
子浴蘭湯，泛瑤觴。人正在春雪香中，臨軒相賞。前腔
幽芳獨占春陽，那繁華俗眼等閑誰向。也不知曾占
洛陽沃壤，于想玉盞盛露冷，瓊樹帶清香。似西方迦
羅國梵王，覺悟深顏色相。錦衣香古樣粧，真堪尚傳
粉卽難相訪。摘獻金仙玉瓶供養，繁枝爛熳。看秋霜
春深時候，錯認重陽。紗幮覷望，綠煙消明月輝朗。露
凝香瓣，汗沾玉項，輕輕籠霞彩，半酣春醖。漿水令貌
堂堂飛瓊遺像，氣洋洋色姪秋娘。紛紛紅紫鬪濃粧，
恁如他一種清芳。東風惡無力，花都墜倒，百寶攔。

杆上瓊瑤蕊半含半放如有待如有待探花郎尾聲
清華骨相異尋常多開向富貴門墻願歲歲年年人
共賞

見色不淫

咏木兒人所貴德行優我一點良心日日脩我是柳
下惠至曉不迷只不如魯男子閉戶無求若是他人
妻子吾淫媾吾家妻子遭人誘這天報昭昭怎肯休
前腔非君話豈汝求為受你活命之恩未得酬從夫
命身屬於君須知覆水難收妾身不是墻花柳只為
恩山義海難消受故把明珠暗裏投前腔但聞得男

先女有所求，你今女先於男禮不周，豈不聞郵亭中
一夜風流番，做了萬年遺臭。伊家夫主能瞞否，皇天
后土難欺漏。怎做得襟裾一馬牛。琥珀猫兒墜，看他
巖聲勵色，言出鬼神愁。正氣滂滂冲斗牛，教我赧顏
厚頰自含羞。休休，辜負御溝紅藥空流。前腔佳人窈
窕，月閉與花羞。只是我雅操堅持不好，速敗倫傷化
豈良謀。休休，與你冰炭同爐，兩不相投。尾聲通宵方
寸無虛謬，不比尋常鼠狗偷。看他正大光明，類孔周
琥。琥珀猫兒墜，他身如泥塑。一夜到天明，一點仁心認得真。
教我空陪笑語，枉相親。他頻頻只說道：淫人妻女，怕

妻女淫人前腔你這無知惡少見色便迷心與汝存
心霄壤分不畝人報廣施恩神明願他多生貴子福
壽同增

假宿拾遺

紅衲襖你本是天地間造化根人為你費盡了辛與
勤人為你食風宿水憂成病人為你戴月披星曉夜
行人為你似魚鱉渡海濱人為你伴虎狼登峻嶺人
若一日無君也壯士無顏人所輕前腔人為你父與
子傷了天性恩人為你兄和弟傷了手足情丈夫無
你妻不敬主若無伊僕慢輕君子儒因為你失了朋

友信、貞潔婦為你做了失節人、人若一日無君也、伶俐聰明的做了懵懂人、前腔多少讀書人為你把綱常素、多少廉能官為你把公論傾、多少強求的喪了殘生命、多少善求的忘了廉耻情、那成家子只為你多慳吝、敗家子把你做糞土、傾人若一日無君也、說得亂墜天花也不聽、前腔那子孫賢何須要你們、那子孫愚任你積如山也易傾、竟不知榮枯得失、皆前定、何必勞勞苦用心、那溺愛的為你畝僥倖、貪得的為你常不平、一團和氣為你成仇也、重義輕財有幾人、

待主償金

憶多嬌你休嘆息莫感激我平生不取非義物幸遇
卑人無損失管取你一家骨肉重懽溢休得強勒休
得強勒我不是貪財盜賊前腔看他容坦率情性熱
不以勢利關心真難得義氣昂昂薰天日與你路途
南北路途南北未審何時報德黑幕序我只道你懷
意不良在此盤桓幾日豈料一點仁心凡夫怎識你
真有幸遇大德若是僥倖貪夫一似東海撈鍼怎得
合一場憂戚變作歡顏并喜色如此陰功如此陰功
何人可及前腔我一命如同草頭露滴一似枯木生

花陽春布澤，你休饒舌，免羈逆。及早歸家，寬慰你父
兄。怨憶寬洪大德，臨財毋苟得。只怕天各一方，天各
一方，結草啣環甚日。

賀子湍月

畫眉序。吉夢叶羆熊，喜得佳兒。紹先統值，今朝彌月。
設宴堂中，黃金盞蟻醞盈浮，紫霞盃駝峯高聳。合綺
羅叢裡，人如玉，歡笑禮度從容。前腔。瑞日曉重曛，玳
瑁筵中，擁髮叢喜得嬰兒新產。豚犬難同，奇骨格渥
水神駒，好羽翼丹山彩鳳。合前前腔。人早積陰功，天
上麒麟，豈無種。若人生無子，恐墮家風，喜弄璋慶衍。

雲仍期跨竈榮沾天寵合前前腔天上謫仙童寄與
人間好珍重看眉清目秀勝祖強宗喜今朝老伴生
珠應玉燕投懷入夢合前滴溜子想當初想當初還
妾有功這麟兒這麟兒孔釋抱送看他年堪為梁棟
東君意頗濃笙歌鼎沸鼙鼓咚咚如雷震動雙聲子
再加饌再加饌琉璃鍾琥珀濃天將暝天將暝酒未
終曲正濃看畫欄月上影重重尾聲玉釵斜墜晚粧
慵酒闌人散月明中翠幙羅幃香霧空

三元報捷

石榴花碧雲天杳遊子鴈書遙
堂與桂棹和喬心旌

千里路途遙，想瀛州無數英豪，都要奪錦標，論輸贏，畢竟成一笑。念念車囊久聚秋螢，望任竿獨釣春鰲，前腔班衣年少，身在鳳城遙，孤悶鬱寸心焦，倘吾兒得上青霄，身着紫袍，也不負孟母三遷教。念前不是路放下衣包，直入堂前便折腰，來通報藍袍脫却換宮袍，小兒曹三元地位，馬能到他文有波瀾，中必高，猶難道四方英俊，知多少，莫非差了，莫非差了，前腔揭曉之朝，親見馮京榜上標，知分曉，此情無得可推，敲謝辛勞，白金百兩休嫌少，不枉奔馳這一遭，欣欣笑呼童快把門前掃，倘有賀客來到，倘有賀客來到。

皂角兒論其年其年少小論其才其才蒼老觀其貌
貌雖朴實觀其詞詞多華藻在文場內人如將筆如
刀文章好似水滔滔合南山大豹東海巨鰲豹文一
變把鰲頭獨釣前腔歷三關文章考較通四海把英
才壓倒內豈無一箇英豪也須要十分高造天資好
學問飽時又到命又高平地裏得上青霄合前尾聲
今朝喜得登廊廟佐明君經邦論道這都是辛苦中
博來榮耀

還帶記

二郎誚裴

黃鶯兒墳典誤儒生，幼雖學壯未行，荆榛生滿無媒，
徑鹽梅可羨，舟楫可乘，時乎不遇，吾何病？
合且畱情，回琴點瑟，和協鳳凰鳴，
前腔念汝老書生，寸心丹雙，眼青燈，
瓊寂寞書齋冷，柴無寸莖，米不滿升，
范丹雞免塵生甑，
合前前腔富貴足平生，
眇周公單晉卿，安居不受三徵聘，
田疇可耕，鷄豚可烹，御筵不慕紅綾，
餅，
合前簇玉林功名事，未有成，
向晨昏親筆耕，
須知兆協芙蓉鏡，
還須坐台閣，
司鍾鼎，
莫閑爭，
雌雄勝負，
不又自分明，
前腔青雲器，
當晚成，
小兒曹，
休厭憎，
窮道得失皆天命，
還須顯陰德，
延餘慶，
合前前腔你同

袍友皆做公與卿，這寒微自取輕。
我冠博帶自有入欽敬，何不熟加察。
深思省合前。

裴度拾帶

鎖南枝 山多景，水有聲。
尋山問水數里程，緩步適閑情。
高吟縱清興，披松影，聽鶴鳴。
頓忘却在塵境前腔，穿羅徑。
扣竹扁，乘閑半日來訪僧。
鐘磬寂無聲，長空落旆影。
叙不成，石上盟，辜負了，好光景。
前腔 迴廊下，鮮色青。
山僧久不來此行，入竹佛香清。
穿雲客衣冷，鴈塔中，次第登。
玩不盡，望中景。前腔 香山寺，佛有靈。
齋心秉虔來訴情，上殿欲捻香。
先將手兒淨，枉未伸。

氣怎平望菩薩做明証前腔周方正是我父姓名身
居縲紲遭憲刑意欲賂公庭周全我父親命再秉誠
禮聖明望陰空賜靈應前腔忙奔走半里程追尋去
婦無影形但見石溜掛松棚人跡印苔徑你看斜陽
影宿鳥鳴暮雲橫半山暝

拾帶見妻

二犯桂枝香良人出外妾無聊賴厨中桂玉蕭條白
日空耽飢餒愁懷千堆萬積排不開焦心苦腸無可
柰累殺人窮骨骸頭何曾戴玉簪寶釵脚何曾端羅
襪繡鞋桂枝香犀文采采玉光雷雷誰將造就腰圍

雅稱宮袍麟豕，你是個常布秀才，常布秀才，素非槐
宰，初無魚袋，你且慢安排，怎勝得東野寒風度，恐辱
了斯文瘦骨骸。前腔犀玉三帶，蔚然華彩，慚予白屋
書生，可是青雲冠蓋，這服飾未該，服飾未該，況無錢
買，又何福勝戴，你且謾疑猜，適在香山寺，無端拾得
來。前腔使我愕然驚駭，不覺勃然色改，如何却在空
門，必有個人人，失在，你有意取回，有意取回，靈臺難
昧，你廉節都壞，可哀哉，何不還他也，貪嗔不義財。前
腔我身微如芥，量寬若海，追之不及，如何待，亦不來
無奈，我固不才，我固不才，忍傷廉介，心田不昧，待他

來覲面還他也我誰貪不義財

裴度還帶

畫眉序 妾身堪嘆命途乖橫事何當接踵來熱心一
片化寒灰羅鉗吉細無能解不覺吞聲淚滿腮前腔
娘行何事苦哀哉何故侵晨到此來你令尊未審有
何灾犀玉三帶今安在管教你枯木逢春花再開前
腔嚴親在獄可悲哀乞得豪家犀玉帶特來參聖訖
衷懷尋覓不見徒興慨我知他難逃不測灾

憶多嬌 犀玉帶誰不愛微生肯把心術壞咫尺寧無
神明在娘行休怪娘行休怪此帶原封不改前腔君

慷慨奴托賴稽首深深行再拜隨時便覺愁顏改恩
深似海恩深似海使我不勝感戴闖黑麻你親在縲
縲無由抵罪欲賂公門全憑此帶我決不受你休怪
反已心慚逆天罪大那貪夫小輩臨財心便昧我正
大公平初心怎改前腔財利迷心人情世態見利思
義于君無愧奴有幸蒙還帶似此陰功前程遠大功
名可待否極還復泰位列三公職司鼎鼐

劉二勒債

剔銀燈 今秋是三年大比我東人要上京科舉試期
已迫沒盤費想情愿加一起利這兩件粗布舊衣望

早發休得故辭前腔我豪富雖無比擬你貧賤我合
當相濟將衣來抵非無意來討個人情回去這兩件
粗布舊衣你早拿去休得待遲前腔向年間要錢財
使費把首飾前來相抵筭來又是三年矣何曾見還
些本利這兩件粗布舊衣且畱下一發來贖取前腔
告官人休得要使勢放私債敢利上盤利你臨財苟
得不思義冷債負何當勒取這兩件粗布舊衣誰敢
把他來轉移

裴度赴選

草羅袍莫謂毛雖無用向文場一掃早奏奇功春雷

激烈躍蛟龍、朝陽和煦鳴鸞鳳、芸窗雪冷雲鵬路通、
瓊林春宴、金蓮夜送、清朝名器非虛擁、前腔、吾輩朋
儕、晁董定高板、仙桂穩步蟾宮、三年力學有餘功、一
肩行李無多重、惟畚貴顯、食祿萬鍾、還期清要置身
九重、時時獻納承天寵、前腔、將相從來無種、看登庸
廊廟日、侍重瞳、御厨自煮紫駝峰、青藜莫戀黃齋、性
質慳董、六經頗通、腹非空筭、三冬足用、文章浩筆如
泉湧、前腔、藻思腹中騰湧、想棘闈文戰、誰敵詞鋒、晉
教驥北馬、行空行看天上、鷄班擁青氈、寂寞休嗟命
窮、雲霄騰路、忽覺運通、奇才畢竟為梁棟、

衆朋就相

玉芙蓉當初如餓草，今變作堂堂貌。使區區驚異，可
是運來時到。神魚已有飛騰勢，不怕龍門萬丈高。登
樞要，當只在早晚。請君家早安排，裁剪綠羅袍。前腔
青雲萬里遙，一蹴安能到。况當今天下，賢才多少。鯨
生，但好潛淵底，敢向龍門犯海濤。我雖不肖，豈不知
分量，但只愁棘闈文戰。又徒勞，前腔。心懷釣海鰲，總
角遊學校。每秋闈下第，見憎妻嫂。鷄肋滋味，非不識。
蝸角虛名，未忍拋。多承教，倘終身不遇深辜，負朝廷
作養。此英豪，前腔。科場走數遭，鬚髮都白了。豈無福

戴箇烏紗官帽，我撐腸拄腹學問飽。我疊嶂層巒筆勢高，吾雖老這一雙健翮，又不飛一飛直透碧雲霄。

棘闈考試

清江引科場地接青雲路，書生爭獨步。龍躍禹門雷，桂砍吳剛斧，纔顯善心人。天不負前腔儒林素號文，章府出來的無空肚。風月舊襟懷，錦繡新詞賦。選賢才，輔國家，苗報補前腔。爭名奪利如狼虎，論吾才，遭嫉妬。一達利名途，此意誰復顧。只苗榮父母顯妻子光門戶。前腔朝來一陣槐花雨，作新涼。消餘暑，稱我入科場。寫出驚人句，但只恐青錢選難遭遇。前腔三墳

五典書無數都包在吾胸腑出口便成章落筆如神
助自不知足而蹈手而舞前腔森羅萬象都遮護圓
而明周而普無墜亦須憂有缺吾能補借青漢作階
梯當獨步前腔重濁大塊今猶古與昊天相依附不
必辨齊秦何用分燕楚須要識普天下皆王土前腔
紛紛各自開門戶原其初同一祖不念我同胞相逢
如陌路有一等殘忍的如狼虎前腔崢嶸玉骨蒼皮
護不怕他霜雪妬風月走蛟龍黛色含烟霧若遇大
匠手便可作明堂柱前腔淇園嶰峪瀟湘浦綠森森何
勝數風起月明中渾訝青鸞舞若遇伯夔氏截將來

調律呂、前腔、南枝雪後春光露、逞瑤姿、誇青素、月來瘦影橫、風過寒香度、後來時、結個青青子、酸如醋、

眾朋誦文

黃鶯兒、遍地撒瓊瑤、舞長空、蝶翅飄、白茫茫、占斷藍關道、銀鋪小橋、玉粧破窰、望江天、滿目梨花落、剪鶯毛、山童來報、壓折老梅梢、前腔、踈影蕩、銀河漾、清光映碧波、玉鈞斜掛、冰輪墮、到黃昏、望他、向中秋、賞他、江湖常伴漁翁卧、問嫦娥、分明似鏡、誰下苦工磨、前腔、無影又無踪、捲楊花、西復東、江湖常把扁舟送、飄黃葉舞空、推白雲出峰、過園林、亂擺花枝動、吼青松、穿

簾入戶、銀燭影搖紅、

捷報及第

山花子 衡門十載惟株守、何期跨鶴揚州、喜硯田筆
耕有秋、千鍾美祿將收、合衣繡裳趨陪冕旒、官居諫
諍恩寵優、平生志願今已酬、萬里前程直抵公侯、前
腔嗟予白髮蒼髯、叟深恩無可相酬、從此後、大張兩
眸、管教他名覆金甌、合前前腔恩榮如許、卿知否、莫
非還帶因由、這陰隲非力可求、皇天賜福悠悠、合前
前腔一朝發跡非為驟、他十年雪案埋頭、喜欣欣捷
書已收、從今何慮何憂、合前尾聲、蒼苔門、逕還依在

看取寶馬香車輻輳，急束行裝上帝州。

夫人赴京

柳搖金。林鶯未老，江花正嬌。春色滿欄，綠鴨浮沙，
嘴清波沒樹腰。悵聖皇都何處，悵聖皇都何處，城闕
五雲遙。聽鳴榔鼓楫，乘波泛濤。江空日淡，野曠天高，
日淡天高，轉覺山長水杳。前腔。潮回荒島，舟橫斷橋，
風打浪花飄。頓覺波千頃，平添水一篙。潮上津亭酒
幔，潮上津亭酒幔，遠遠似相招。怪江風猛烈，清生草袍
沙村杳杳，水路迢迢。杳杳迢迢，何時得到前腔。初登
江棹，頻驚海潮。潮勢湧鯨鰲，隔水孤村近中流。兩岸

遙使我頻頻翹首，使我頻頻翹首。金殿倚丹霄，想行邊景物難將彩描。江籬綠遠，林杏紅燒，綠遠紅燒色冠陰。山白鳥前腔，腥烹魚灶，煙飛釣撓，斜日掛林梢。浪白江風過，山青海霧消。楊柳桃花深塢，楊柳桃花深塢。春水欲平橋，看鷓鴣滿渚，蘼蕪滿郊。烟波渺渺暮景瀟瀟，渺渺瀟瀟欲傍人家泊棹。

綠野團圓

畫省序綠野堂前，最喜南山正當面，且無官拘束，逍散如仙。霞彩中倦鳥知還，桑梓裡餘輝堪戀。合自今謝却人間事，真覺地偏心遠。前腔白晝錦衣旋老去。

無心重軒冕，縱身披夜繡。暗中誰見，經險道、白浪紅塵。送流年、春鴻秋鴈。合前前腔。松菊只依然，默笑歸休。幾人見，似如今、踈懶。追想當年，鳴玉珮、殿陛晨朝。騎鐵騎、沙場秋戰。合前前腔。荏苒惜流年，綠鬢紅顏。忽驚變更，今來多幸，富貴兼全。享一家飽食煖衣，念十載青燈黃卷。合前鮑老催公，恩不淺。我當年犯死難，移轉奄奄命脉，垂一線。猶如吞餌魚，入穿獸投網。鴈安得能延此喘。合陰功一點，感動天。天教富賢多榮顯。前腔嚴親老年深蒙盛德，垂恩眷。不然刑戮知難免。山有崩，水有竭，石可爛。此德於心，永不變。合前

雙聲子多榮顯多榮顯顯陰功為世勸為世勸人生
須作善合犀玉帶犀玉帶八萬錢八萬錢向雖貧且
賤肯昧心田前腔堪德行堪德行這福庇人間鮮重
留戀重留戀這洞天真堪羨合前尾聲心田一味即
欺天人不欺天天必眷福祚永綿綿

玉環記

同友赴選

甘州歌秋風太早正槐黃於路桂子香飄關河迢遞
樂遊原上青霄秦樓夜月只似初楚館秋容不奈嬌
驚物候愁路遙鄰帖不住為誰獻合同獻策來聖朝不

知誰奪殿前袍前腔丹楓幾樹飄見一行征鴈嘹唳
雲霄歧亭雨霽一望旅懷多少寒枝棟盡鴉未棲古
渡將開潮正高思秋爽寒夜杳誰家茅店寄今宵合
前前腔羊腸路逕遙嘆披星帶月霜凜風號殘霞落
日秋思轉添縈惱疎林倒影羸馬倦宿鳥投林行客
焦風漸急月正高照人離別恨無聊合前尾聲轉溪
橋臨山島解衣沽酒共談笑同向名園奪錦袍

玉簫春怨

傍粧臺捲簾呀倚門獻笑落便空我羞把銀箏撥懶
把玉簫吹怕的是敲檀板怕的是歌金縷調脂弄粉

將人眼迷，荆榛枳棘，文鸞怎棲。幾時得齊眉舉案，做了好人妻。前腔好心痴，誰似你豐食足，口頭肥，戴的是金共寶，穿的是繡絨衣。伴的是風流客，到晚向牙床睡。傳盃弄盞，知音品題。星前月下，青鸞共騎，好似摘天仙子下瑤池。前腔心中展轉自思維，我有如花容貌，雪爲肌，怪脂粉污顏色，嫌蜂蝶惹閑非。花香盡嫩，風流賞月，落秋殘，翫客稀。調琴弄管，持觴舉盃，吟風咏月，朝東暮西，怎能勾真誠君子獻明珠。前腔你忠言不聽見，偏迷却，不道人生那有百年期。但朝歡暮樂，隨時過管，甚麼夜去明來，無了時。綠珠碧玉。

芳名已非、三頁九烈、題他怎的人、世難逢開口、咲好
花須插滿頭歸、

迓逐韋臯

望吾鄉、花壓重簷、沉檀裊繡簾、春嬌無力、遊蜂倦、雨
濃花艷、春如酒、月皎風和、夜正酣、情相契、心意堅、好
似玉簫時、泣盡樓前、傍妝臺、月初圓、我與你、恩山義
海、效鶼鶼、心匪石、應難轉、恩與愛、重如山、奴是含香
秋冷、東籬菊、只恐東君、不愛怜、他要分開鴛侶、折散
錦鸞、恐下得好姻緣、番作惡姻緣、不是路、小設離筵、
特送韋郎、赴上苑、休嫌鮮、明年顚望錦衣旋、免熬煎、

韋郎學問應非淺，你莫為無錢便反面。當容緩金銀，
使盡未經年，勿多言。家中朝暮誰承管，柴米油茶醬，
醋鹽難支遣。身衣口食俱不免，再勻粉臉，再勻粉臉。
掉角兒 蕪爐香設誓告天，告天天與人行方便。願此
去一舉狀元，好姻緣再重留戀。結新盟，諧舊好，花月
重圓。燈前月下，雙雙並肩。那時節，風前月思，恩債償
填。前腔 我爹娘心執見偏，別知音幾時重見。恨妾身
緣薄，分慳剖菱花甚日重圓。為功名，分鳳侶，無計留
連。宮蒼禱告乞誰憐，好姻緣他年契合，再續絲絃。屋
聲擁雕鞍，頻頻勸，明年顯望錦衣還。莫戀豪家美少

年

紅衲襖、渭河邊、倚盡船。明日呵洛陽城、聞杜鵑、世間
何似相思苦、甚物高如離恨、天鎖春愁、揚柳煙、捲東
風、桃杏臉、休教愁老、鶯花也、燕子來時、期信傳、前腔
勸多嬌、莫淚漣、取功名、半載間、休教界破、錢粧面、獨
倚秦樓、免掛牽、耐心情、還自遣、掛荷衣、卽便轉、管教
脫去塵囂也、永雙雙、時竝肩、香柳娘、論相逢、有緣、論
相逢、有緣、如何離間、琉璃易脆、雲易散、我愁懷、萬千
我愁懷、萬千、終夜不成眠、鎮日情難遣、合辨心專意
專、辦心專意、專、牢收玉環、留作後期相見、前腔奴家

有一言、奴家有一言、你英雄必顯、後來切莫忘貧賤、
再叮嚀、少年再叮嚀、少年莫惜錦雲箋、頻頻寄魚鴈、

合前

玉簫寄真

集賢賓 隔紗窻日高花弄影、聽何處流鶯、虛飄飄乍
驚幽夢醒、亂紛紛花撲、惚惚閑倚畫屏、恍惚自精神
不定、常嘆數聲對人前、幾錯呼名、前腔、風亭月榭無
限景、不去遣與怡情、一片心隨千里行、想喬才別戀
聘婷、重諧姻眷、關河遠山盟、無證香消被冷、憔悴了
月貌花神、前腔、他入門畫堂春自主、真箇是識重知

輕軟款溫存一俊英，竝香肩月下同行。風流可欽堪
敬，夫婦永同歡慶。叫天不應，沒下稍悞我前程。前腔
香消玉減，枉了用心勤。徒自玉潔冰清，燕子來時離
帝京。到如今花已凋零，歸期欠誠。眼見得虧心薄倖，
心自驚，拚殘生似風裡孤燈。猫兒墜他丰襟態度，瀟
灑更聰明。剪冰裁雲骨格清，花前酬和二三更。惺惺
只被他引惹香魂，前腔閃得人憔悴，鬢亂與釵橫。沒
信行相如不志誠，落花流水兩無情。聰明有誰共羅
幃，竝肩交頸黃鶯兒。傳與我多情，那一日不淚零。爲
相思害得伶仃病，何曾慣經。多死少生，教他休忘海

誓山盟證淚珠傾料想今生難會因此上寄丹青猶
兒墜舉頭三尺須信有神明辜負文君一片情他一
靈先到洛陽城丹青奈哽咽傷情巧畫無成前腔惡
寒發熱心痛與頭疼瘦損腰肢力不勝懨懨氣絕不
重生須聽傳與我風流負心薄倖尾聲雲期雨約全
無準斜倚薰籠坐到明專聽春雷第一聲

韋臯結友

解三醒記當年與那人初見只指壁郵亭一夜姻緣
誰想他風情月思深留戀殊甜靜樂幽閑又可喜反
邪歸正心不變潔已從良志獨堅真堪羨與吾有死

生諧老共枕盟言前腔從良心始終不變迨貞潔堪
愛堪憐墮煙花怎被煙花玷似污泥擁出紅蓮追歡
買笑人爭占他心厭繁花獨不然真堪羨又豈肯輕
抱琵琶過別船

駐馬聽志覓封侯子立難謀不自由何幸相逢萍水
飛鳥遙臨光賁遐陬陳雷膠漆永相投歲寒松柏長
相守倘爲國謀猷同心合志願效桃園三友前腔世
乏青眸三載謀生似拙鳩自恨徒生天地枉做男兒
虛度春秋孤身萬里遠相投深蒙收錄情何厚此德
當酬銘心刻骨效取歲寒三友前腔深感容留荷德

如 山 當 報 酬 自 愧 疎 愚 卑 陋 身 若 飄 蓬 性 似 虛 舟 分
金 不 捨 豈 朋 儔 割 袍 心 變 非 良 友 且 泛 金 甌 死 生 共
處 天 長 地 久 箭 腔 兩 意 相 投 倦 翼 潛 鱗 且 暫 留 記 取
今 朝 結 義 刎 頸 同 心 永 效 綢 繆 功 名 準 擬 動 神 州 聲
聞 肯 落 他 人 後 德 業 同 脩 他 時 得 志 早 顯 擎 天 之 手

韋 遇 克 孝

朝 元 歌 人 離 人 合 離 合 人 之 數 月 圓 月 缺 圓 缺 天 之
度 月 豈 常 缺 人 豈 常 孤 曾 記 得 淮 陰 寄 食 莘 野 耕 鋤
包 羞 忍 辱 真 丈 夫 瘦 馬 倦 長 途 清 霜 啼 鷓 鴣 豺 狼 滿
路 幾 時 得 見 代 州 親 故 代 州 親 故

重逢簫玉

梁州序皇風垂拱華夷一統與國家建立奇功，雖漢時三傑不似你智謀驍勇，愧我不堪陸登，只好持盃自覺深慚悚，大凡遮蓋處賴，幷懔須有日，猗環釐寸衷，合國股肱，真梁棟，蒼生仰德如山重，看麟閣上畫儀容，前腔安天下一怒成功，又何須七擒七縱，料區區小寇怎敢當鋒，自愧力衰年邁，甘老林泉，只好隨時哄朝廷多事日，自無功，徒有葵心向日紅，合前前腔露春纖，湍捧金鐘，舉蓮步珮環聲送，向樽前席上勉強從容，奴自小身嬌怯，不出閨門，鍼指勤拈弄家

尊何愛客過謙恭教我半晌懷羞臉帶紅合前前腔
二十年不見嬌容乍一見恍疑春夢與玉簫一樣唉
口歡容不覺傷心垂泪意惹情牽心事難傳送正是
座中紅一點酒千鍾不覺桃花暈臉紅節節高情理
不可容弄巵風將咱覷得忒没用激得我怒氣冲把
刀鎗動君子律已要謙恭若還莽撞人譏諷今日與
你別雌雄回朝天闕將冤訟前腔羞花閉月容與舊
人同二十年已作南柯夢今偶逢不由人心不動之
乎者也全無用小人得志不尊重停嗔息怒且從容
情真不覺多悲痛尾聲乳口兒童休言重你尸食俾

食有何功、路上行人、口似風、

玉玦記

別妻求試

三學士、陶閱蟬、聯知有幸、扶搖好薦鵬、程當思、貽穀
三槐在、莫負還鄉、駟馬行、合飲餞臨岐、心耿耿、歸來
後喜氣生、前腔青鏡孤鸞、愁舞影、書封鴈足、難憑憐
余尚惜牽衣別、慰子終當佩印行、合前前腔待價藏
珠未可輕、一朝持獻明庭、碧山肯為移文、耻白馬、終
看奉詔行、合前

香柳娘、念匆匆、遠行、念匆匆、遠行、含悲自省、天涯已

在須臾頃我愁煩倍增我愁煩倍增鴻跡等浮萍銀
瓶怯脩鯁合聽陽關淚傾聽陽關淚傾殷勤渭城不
堪孤另箭腔想淒涼怎生想淒涼怎生綺疏春靜枕
花紅怯鴛鴦竝怕青霄漏永怕青霄漏永繡被擁鷄
聲梨花月痕冷合前前腔把金韉乍整把金韉乍整
滿前孤興馬蹄香散飛花徑聽嚶嚶鳥鳴聽嚶嚶鳥
鳴芳草最關情萋萋織煙暝合想臨安玉京想臨安
玉京雙龍紫庭紅雲遮暝前腔嘆驅馳未寧嘆驅馳
未寧蒼蒼暮景垂楊古渡黃塵迴望炊煙已青望炊
煙已青樵斧隔林聲斜春半村影合前

秦憶商夫

羅江怨，盈盈陌上頭。桑枝正柔遠，揚未伐言采劉。徘徊樹底，自含羞也。無奈樛枝黃鳥聲，求友蕭郎事遠。遊蕭郎事遠，遊怕忘了秋胡婦。前腔，蠶饑葉未稠，忡忡隱憂傾筐欲，堅遵道周。攀條選樹，更移鈎也。鬢亂釵橫，怎顧飛蓬首。羅紈恣冶遊，羅紈恣冶遊，却教愧殺癯瘠婦。香遍滿，採來盈掬。沃若露未收，繭簇將成候。願萬縷長絲，似妾心中有。把回文錦字，杆軸還織愁。怕貂裘敝損，羞見我機中婦。前腔，野陰舒蓋採，掬不少留。豈恤難再茂，想洞口桃花綠。葉曾攀否，恨春

風惱亂、破萼爭未休。把劉郎、帶却空嘆了。邯鄲婦、好
姐姐、綠茵盡摘不留。且莫惜、明年難茂。柔枝嫩葉、多
應人採。揪輕舒手、羅裙寬褪、腰肢瘦。低處相攀、雲鬢
兜香柳。娘想桃源洞口。想桃源洞口。劉郎在否。空教
奴繡戶、輕寒透。一春事已休。一春夢已休。才子玉京
遊。淹淹不回首。別相將半週。別相將半週。封書未投。
暗拋紅莖。尾聲歸期約在春深後。夏日初臨。願未酬。
空使粧臺人自憂。

玉商嫖衛

排歌好鳥調歌。殘花雨香。鞦韆麗日。門墻可憐。飛燕

倚新粧、半捲珠簾、春恨長。合花源畔、玉洞傍、免教仙
犬吠劉郎。瓊樓啓、翠牕張、不知何處是他鄉。前腔薄
扇回風、輕塵遶梁、凝雲暗激清商。樂中歌曲、斷人腸。
鶯轉春林、繡陌長。合前腔佩轉鸞裾、釵低鳳梁、曲
終初破霓裳。暖絲無力、自悠揚。轉更郎當舞袖長。合
前前腔寶帳流蘇、金鋪洞房、枕屏雙度鴛鴦。淡雲輕
雨、拂高唐。兔走鳥飛、不覺長。合前

商慶媽壽

錦堂月舞架紅英、翻階翠葆、脩篁數枝相映。小靨圓
荷、池塘乍弄、初晴花燠。春駐瑤桐、菜暗畫長金井。合

延麗景但歌徹南飛共酬佳興前腔堪竝岱嶽崢嶸
駢來五福遐齡已見川增萼綠飛瓊相將駐顏同永
蓬壺上鶴筭齊翻繡幌內鸞篋初整合前前腔懽慶
金屋娉婷紅顏嫵笑芳妍可妬雙成青鬢流年花滿
玉臺明鏡舞霓裳時度雲和歌寶扇重尋月影合前
前腔思省花月浮生歌臺舞榭猶憶少年馳騁暮去
朝來真如覆塵難憑青陰重巫峽春歸黃葉慘潯陽
秋冷合前醉翁子竹幸這淑女芳年鼎盛且莫惜黃
金更羞囊罄畢竟誓白首同歸比翼鷓鴣效此生標
酌酌算此樂人間不減登瀛前腔須聽論衣紫腰金

有命信閒處，光陰隙駒難定。那更怕、堅閉愁城，攻破
時教仗酒兵。合前。僥僥令、簪牙斜日，暝簾額晚風輕。
看湖上好風一帶青來，迥新月上山城。天際明前腔。
蓮花紅燭影，鐵撥紫槽聲。一任羸馬交爭競。香霧轉
冥冥。雲錦屏尾聲。王侯甲第多鍾鼎。念此日風流還
勝。但只恐素髮盈盈老此生。

秦逃國難

桂枝香。含情凝睇。天涯無際。心驚黃鳥雙輪。目斷碧
雲千里。花時又闌。花時又闌。空有一襟紅淚。愁來難
寄。暗沾衣。懊恨清淮水。東流去不回。前腔。香枯蘭佩。

光沉鈿翠底，花夜合慵看。砌草忘憂空對，湘江正深。
湘江正深，迢迢煙水，無憑緘鯉香。難期不信，衡陽鴈
春來亦解回。醉扶歸，恨崔徽常把青鸞委。笑文君空
有彩毫題本圖，他駟馬耀門楣。及得網戶，蟪蛄起，夫
便為龍一躍，奮天池。忍將我比目雙魚棄。前症玉
釵緘塵土，孤鳳翳羅襦。暗淚點繡鴛，歛盡梁間羞。觀
燕雙棲，荷池內，怕有花同蒂。想漁舟誤被武陵迷，把
簫聲竟向秦臺廢。不是路，心急行遲，兩足龍鍾怯路
岐。重門閉，京華遊子未言歸。自生疑，忽驚小犬迎人
吠。恐有泥金報喜知，忙傳意，一朝禍起蕭牆裡，疾當

迴避疾當迴避箭腔聽說魂飛鼠顧狼奔是怎的胡
塵起中原血戰已紛披擁旌旗漁陽鼙鼓喧天地及
早藏形遠禍機空揮淚萍踪梗跡將安寄此江河濟此
江河濟木了又鼎沸山河瓜分邑里一霎時把大虛蒙
翳九陽厄運上帝心厭禍黔黎是處見征旗滿郊密
匝匝幾多烽燧國破家亡徒自苦何地鷓鴣得暫棲
空教人啼做杜鵑孤怯怯生死難期么篇洶洶吞鯨
紛紛鬪蟻奈飄零蕩絮東西觸景更成悲徒有金屏
繡幌怎免得茂林荒隧爲問干戈清偃知何日再得
旋歸尾聲長天暮紅輪墜尋枝鳥鵲盡南飛豺虎縱

橫道路危

同妓遊湖

甘州歌東南勝景控武林都會，
自古名城瓊田玉界。
隱約碧澄千頃，雲連竺寺三天境。
路轉松濤九里聲。
浮塵斷宿雨晴，蘭臯衝渚杳然青。
紅芳盡綠蔭榮，動人香艷一枝明。
前腔煙霞最上層，又飛來何處峭峰。
高竝樓臺鍾磬，天風引落南屏。
遊人尚識呼猿洞，鳴鳥空依放鶴亭。
立樊繞蘿薜繁，短簷茅屋酒旗青。
金丸小羅袂輕，雕鞍玉勒照花明。
前腔重湖入望平，似西施眉黛倒涵山影。
六橋陳迹猶傳白傅高情，逋仙

嶼中梅已老，蘇小堤邊柳自生。菱歌起，漁唱停，片鷗
飛破水痕青。紅衣嫋翠蓋，擎隔花人語綺羅明。前腔
樓船載酒行，聚鴛鴦驚起雙飛。明鏡朝雲何處空憐
草宿寒坳，石邊欲覓三生話。閣上難題四照明，吳宮
渚越榭傾，霸圖零落暮山青。釵金冷，塵玉橫，唾花香
漬舞衫明。尾聲惜芳塵，耽餘景，西陵先有月華生。好
向津頭問去程。

同妓設誓

急板命仰蒼天照臨，固私布忱悃，神明鑒茲，望雲輶
降此雲輶降此，他兩箇糊塗青衿，粉澤紅兒，酒酒刑

牲特薦瑤卮。合申盟約，軟血叢祠。如在上儼來斯。前
腔念妾身蒲質，柳姿羞自逞殘膏。棄脂願婚姻。迨時
願婚姻。迨時蘿寫青春，早附松枝繡幕。紅窻絕勝牽
絲。合前。前腔。彼妹子顏如西施，父繾綣曾無怨咨。心
中自思，心中自思，三斛明珠，肯恤高貲。江漢朝宗，百
折東之。合前。前腔。我東人虹霓吐辭，瑞世寶甘泉紫
芝。倘刻意師資，刻意師資，談笑風雲，鴻漸台司。莫為
青蠅使白璧瑕疵。合前。

安國擄掠

馬蹄花。雲擾山東，劉項持兵鹿未窮。望念我家如墜

甌命比游魚，跡類飄風。不辭血染會稽鋒，肯將名污
高堂夢。且休猜逐水浮花也，須知傲雪貞松。前腔毒
霧漫空，故國荆扉一夢中。念我身當衣綠，手執流黃，
心愧啼紅。就刑融女可全忠，突圍荀灌非無勇。願俱
亡不負傾葵，肯偷生去學飛蓬。

李媽定計

山花子 若邪溪上春風面，傾城一笑媽然。水沉微靄
裳乍褰，江妃羅襪蹁躚。念比名花青娥少年，千鍾美
酒供笑喧。紅顏委謝空自憐，不信天台別有神仙。前
腔 六郎王貌悲容輦，亭亭翠蓋田田。走驪珠圓明露

旋、蛟人夜注重淵、合前前腔、風回沿邊、忽度桃花扇、
冷香飛上詩篇、剪黃金、歲綻鬪妍、玉奴徐步階前、合前
前、前腔、宸遊畫旃、太液新粧、遍宮衣、巧妬雙鴛、
反魂香、誰留可憐、還看解語、嬋娟、合前

駐雲飛、緩鞦金鞦、煙靄龍城、日暮天水、淨流螢、軟樹
密昏鴉、戰、黃鳥羽、翩翩、尋芳遊衍、宿穩花枝、已忘
危巢、戀、合前日重鋪歌、舞筵、前腔、魚鎖方嚴、宵柝重城
玉漏傳、燈火樊樓、遠星斗、明河轉、啾、牛渚思空懸、相
看清淺、烏鵲難憑、只恐佳期變、合前

同妓望姨

玉胞肚蜂媒曾訂恨花期屢作變更喜扁舟已逐鴟
夷且休論越敗吳成合心中自省人生大夢信無憑
蠻觸徒然有鬪爭前腔但奴徒逞問囊空可得再盈
怕辜他玉杵先投使藍橋早睹雲英合前前腔鶯期
纔整為新懽已失舊盟看長條攀折他人想韓郎空
賦青青合前前腔狐疑難定管教他聽徹層冰筭玉
車得解重圍也堪旌紀信功成合前

被賺投呂

青衲襖我豈知他劣心情似風絮浮不下堂遠棄了
鸞鳳偶倚市門隨着鹿豕遊他算得那楚重瞳垓下

愁賺得阮步兵窮途走，只教我空戴南冠學楚囚。前腔
你本是搦管的紫薇堂國士，儻運斤的丹鳳樓天匠。
手只爲艷笙歌糊塗了金石，奏濫盃觴沈溺了鍾鼎。
謀管甚麼王仲宣難上樓，曾子輿不蔽肘，你不到烏
江不肯休。前腔他見我侈黃金囊未羞，便只待獻紅
顏身可售，况見那雲歸楚峽空餘岫，却笑那水遠天
台只漫流。知他轉春鶯何處求，多應向章臺還折柳。
又抱琵琶過別舟。前腔他紫金釵是殺人的兩刃，示
翠雲翹是陷陣的三尖冑，羅網的迷魂袋與凋醜毒
的奪志觴和豆，饒你鄧通錢無盡留，便做子建才遭

讒詬不是冤家不聚頭、

秦女截髮

憶多嬌身隕越家破滅無瑕白璧安肯涅效北海壘
臣甘氈雪合死詢全節死詢全節看虞姬劒血鬪蛤
蟬我帛束玄雲知難再結恨墮馬妖粧污人齒頰頭
須斷髮先截白首無期與君共穴合衷腸義結鼎烹
甘自決忍耻輕身忍耻輕身直待山崩海竭憶多嬌
你言剴切我心斷截捐軀有志堅比鐵擗青塚孤魂
悲沙月合死詢全節死詢全節看虞姬劒血鬪蛤蟬
我玉貌芳姿愁來又別為沐首膏唇為容取悅眉羞

嫵自堪扶九地逢君，赧顏厚甲。合衷腸義結鼎烹甘，
自決忍耻輕身，忍耻輕身，直待山崩海竭。

劉鋹兒春江自破桃花面，殺青誰和栢舟篇。蛾眉逐
征戰空悲少年，瑤堦上仙，金屏妙選，離黍秋風，休息
故苑，前腔堂堂頰弁英雄漢，好施巾幗比紅顏，忘讐
作鷹犬，偷生苟延，貔貅在前，從教血濺，匪石吾心，休
思再轉，前腔頭顱禿髮如鬪產，爭教蜀女且從桓，浮
生疾飛電，何妨二天，瑤堦上仙，金屏妙選，離黍秋風
休思故苑，前腔生慚污跡同蠅黽，死留香骨蘭荃，紅
爐任百煉，貞金自堅，貔貅在前，從教血濺，匪石吾心。

休思再轉、

娟奴觀潮

惜奴嬌 天塹錢塘瀉滄溟千里濫觴非妄分洪澤帶
束禹門巖障遐想罔象神姦水伯冰姨乘波吞浪凝
望想赤實自流萍得似楚人曾賞前腔悲涼霸業興
亡問如何潮汐幾番消長煙波上磨盡古今英爽跟
蹌桂棹蒲帆利舸名舫繽紛來住惆悵念擊楫向中
流那有祖生襟量蛤蜊序汪洋析木扶桑乍鯨鯢波
巷昏迷霄壤見銀山初合恍疑蓬閣神喪風驟羽旆
張雲屯驃騎驤影微茫只見怒賈鴟夷素陣風來乘

漲前腔。迭宕沃日湯湯，怕高陵為谷，倒翻銀浪。看這神州百雉，忽驚搖蕩。游漾柔櫓，蟻隊揚輕身，烏羽翔。且徜徉，不見射弩英雄，玉匣又陳宿莽。錦衣香紫陌長，朱樓敞綺縠，香珠璣晃。士女王孫，馬蹄車鞅，紛紛七貴競新粧。花生繡帶，月偃明璫。想人間樂事，稱心懷幾多豪放。浮蟻餘春，盡管絃嘹唳，高歌勝集無邊清況。漿水令儼陽侯，倏回盼，響望靈潮，逡巡已降。高城落日，平林廣汀洲澹澹，煙景茫茫。澄秋練，明似掌。遺鈿墮羽，紛相向。天街晚，天街晚，歸人開囊紗籠照。紗籠照，卷陌生光，尾聲千金莫惜，供醅釀。對景逢時。

懽暢來日陰晴未可量、

皆喜無歸

石榴花)尤雲瑞雨堪笑是飛霞愁緒起亂如麻門庭
評語鎮喧嘩料今生難倚蒹葭梁園豔葩恨彩幡無
力與東風嫁也空教碧玉多情恐明朝又屬豪家前腔
嬌紅嫣紫貪看洛陽花膠與漆似搏沙毫釐千里定
誰差也空勞夢遶琵琶豪腴可誇想燎毛已被傍人
詫悔當初錯認仙源使劉郎歸去無家(泣顏回)填臆
氣交加子陽真井底之蛙金屏幽雅怎終徽彩鳳隨
鴉休如艾豕便糊塗不肯相干罷也須知王謝堂前

燕應歸百姓人家前腔嗟呀使我失光華身依井閉迹
類天涯人消物化恨黃臺抱蔓無爪鞭策可加論傭
奴怎敢辭嗔罵想何如季布難歸也髡鉗自賣朱家
自經反魂

二郎神 罹灾青嘆三年抱身拘坎窞念脩短榮枯皆
已定要成仁取義鴻毛視死何輕刎頸投崖心耿耿
誰待去偷全首領烈錚錚史書上教人永播芳聲轉
林鶯和伊結髮同死生存亡尚自難明在九地黃墟
須待等只怕從前玉玦無憑真成薄命也落得箇不
虧名行淚盈盈料此身終天抱恨幽冥啼鶯兒魚腸

出匣風雨鳴，唯雄躍浴曾竝柰。一朝分影豐城也，還我孤另。便鑷鏤沾濡血痕，要學你心腸剝硬。想青萍、高懸墓樹，何處是佳城。御林營操持久，卧起并，幸無他。豹虎櫻，不堪長別添悲哽。將成令名，須拚此生，蟬蛻那得延俄頃。恨難平，山頭石，只作望夫形。黃鶯兒冥漠有歸程，向溝渠甘自經。瓦全爭願圖僥倖，花開雨晴，雲收月明，似秦生破械天心應。合謝明靈，精神感格，從此是餘生。前腔大暮若為明，頓教人涕滿膺。三年縲絏相依凭，鏡分可并，珠沉再徵，想河神不為瓊纓請。合前